

plex nullo modo perire aut corrupti naturaliter potest; ergo,..... Prob. min. 1 Perire aut corrupti non potest divisione aut dissolutione, cum sit partium expers & omnino indivisibilis... 2 Non compositione, quia licet ipsi annexantur vel alia quotlibet corpora aut mentes aliae, semper in se simplex & eadem remanet. Etenim corpora aut mentes substantiam simplicem alterare, aut interius mutare nequeunt; in ea enim nihil transponere, nullum motum internum concipere licet, qui excitari, dirigi, augeri, aut diminui possit, quemadmodum in compositis continet, ubi mutatio inter partes locum habet. 3 Denique in substantia simplici intus non latent principia quae eam annihilare vel destruere possint. Evidens enim est nullam substantiam posse semetipsam in nihilum redigere; etenim nihil in rerum natura sibi metipsi contrarium est, sed res singulariae quae existunt habent semper in se rationem, qua sunt id quod sunt. Nec minus evidens est substantiam partium expertem non posse nec divisione, nec compositione, nec motu, nec alia quacumque ratione sese destruere. Ex his omnibus patet, substantiam simplicem neque ab ulla causa extrinseca, neque ab intrinseca naturaliter posse aut corrupti aut destrui. Ergo substantia spiritualis, ac proinde mens humana nullo corruptionis genere naturaliter interire potest.

Prob. 2 Mensem humanam a Deo nunquam annihilari, nec ita unquam mutari. ut facultates vitales amittat. Plurima pro-